

आकाशवाणी

खबरां ----

1. प्रधानमंत्री नरेंद्र मोदी होरें आखेआ ऐ जे भारत दे ऑटोमोबाइल खेत्तर च बेमिसाल तब्दीली होआ करदी ऐ।
2. प्रधानमंत्री नरेंद्र मोदी होर कल स्वामित्व स्कीम तैहत 50 ज्हार कोला मते ग्राएं गी 65 लक्ख कोला मते जायदाद सरबंधी कार्ड बडडन।
3. राष्ट्रपति द्रौपदी मुर्मू होरें 2024 बरे दे राश्ट्रीय खेड्ड पुरस्कार भेंट कीते ना।
4. विदेश मंत्रालय दे प्रवक्ता रंधीर जायसवाल होरें आखेआ ऐ जे रूसी सेना च सेवा देआ करदे 12एं भारतीय नागरिकें दी मौत होई गई ऐ, 16 लापता होई गेदे ना।
5. रक्षा मंत्री राजनाथ सिंह होरें आखेआ ऐ जे रक्षा ते सुरक्षा दे परिवेश च बदा करदी तनोतनी गी दिखदे होई मुल्खै दी आक्रामक ते रक्षात्मक प्रतिक्रिया गी तगड़ा करने दी जरूरत ऐ।
6. ते मंत्रिमंडल नै राश्ट्रीय इस्पात निगम लिमिटेड (RINL) लेई परतियै कम्म शुरू करने गितै 11 ज्हार 440 करोड़ रपे दे पैकेज गी मंजूरी देई दिती ऐ।



PM-Bharat Mobility

प्रधानमंत्री नरेन्द्र मोदी होंरें अज्ज नमीं दिल्ली दे भारत मंडपम च भारत दे सारे थमां बड्डे मोबिलिटी एक्पो 2025 दा उद्घाटन कीता। इस मौके उप्पर बोलदे होई प्रधानमंत्री होंरें आखेआ जे भारत दे आटोमोबाइल खेत्तर च बेमिसाल बदलाव दिक्खेआ जा'रदा ऐ। उनें आखेआ जे असें'गी लोडचदा ऐ जे अस मेक इन इंडिया - मेक फॉर द वर्ल्ड दा मंत्र लेइयै अगगे बधचै। केन्द्री मंत्री नितिन गडकरी, पीयूश गोयल ते होर बी केई बड्डी हस्तियां इस कार्यक्रम च शामिल होइयां। इस एक्पो दा विशे-सार ऐ 'हदें कोला परे भविक्ख दी मोटर वाहन मुल्ल श्रृंखला दा सांझे तौरा पर निर्माण'। 6एं दिनें दा भारत मोबिलिटी ग्लोबल एक्पो, मोटर वाहन ते गतिशीलता दे खेत्तर च नमिएं काहडें ते तरक्की गी प्रदर्शित करने लेई इक अनोखा मंच पेश करदा ऐ, जेहदे च टिकाऊ ते भलेआं आधुनिक तकनीकी तरक्की उप्पर जोर दिता गेदा ऐ।



PM-Svmitva Scheme

प्रधानमंत्री नरेन्द्र मोदी होर कल 10एं राज्यें ते दऊं केन्द्र शासत प्रदेशें दे ज्हार कोला मते ग्राएं च स्वाभित्व योजना तैहत जायदाद दे मालकें गी वीडियो कांफ्रेंसिंग राएं 65 लक्ख कोला मते जायदाद सरबंधी कार्ड बंडगंन। एहू स्कीम प्रधानमंत्री हुंदे आस्सेआ शुरू कीती गेई ही, एहदा मकसद उन्नत ड्रोन तकनीक राएं तैआर जायदाद दे रिकार्ड दा अधिकार

मुहैया करियै ग्रामीण भारत दे आर्थिक विकास च बाद्धा करना ऐ। हुनै तोड़ी 3 लख 17 जहार कोला मते ग्राएं च ड्रोन सर्वेक्षण दा कम्म पूरा होई गेआ ऐ। तैय रक्खे गेदे लक्ष्य दा 92 फीसदी लक्ष्य हासल करी लैता गेदा ऐ। इक्क लख 53 जहार कोला मते ग्राएं लेई तकरीबन 2 करोड़ 25 जहार जायदाद सरबंधी कार्ड तैयार करी लैते गेदे न। जायदाद सरबंधी कार्ड जायदाद मुतल्लक मुद्रीकरण दी स्थूलत देने दे कन्नै बैंक सवां कर्जे दे राएं संस्थागत कर्जे तोड़ी पहुंच गी सौक्खा बनांदा ऐ। एहदे कन्नै जायदाद मुतल्लक विवादें च कमी करदा ऐ ते ग्रामीण इलाकें च बेहतर जायदाद मूल्यांकन ते जायदाद सरबंधी टैक्स ग्राही च सहयोग दिंदा ऐ।

<><><><><><>

PM Mann Ki Baat

प्रधानमंत्री नरेंद्र मोदी होर अपने माहवार रेडियो कार्यक्रम 'मन की बात' दे राएं इस बारी 19 जनवरी गी अपने विचार, देश-विदेश च रौहने आहले श्रोताएं कन्नै सांझे करडन। उ'आं ते एह प्रोग्राम म्हीने दे अखीरले ऐतवारें दिनै 11 बजे प्रसारित होंदा ऐ पर ऐकती खीरी ऐतवार 26 जनवरी होने करी, एहदा प्रसारण इक हफ्ता पैहले कीता जा'रदा ऐ। एह इस कार्जक्रम दी 118मीं किशत होगा। इस कार्जक्रम च शामिल कराने सुझाऽ भेजने दा अज्ज खीरी ध्याड़ा ऐ। श्रोता अपने सुझाऽ टोल फ्री नंबर 1800-11-7800 पर जां फ्ही नरेंद्र मोदी ऐप जां माई गोव ओपन फोरम पर बी भेजी सकदे न।

<><><><><><>

Prez. Arjun Awards

राश्ट्रपति द्रौपदी मुर्मू होंरें अज्ज नमीं दिल्ली च राश्ट्रपति भवन च राश्ट्र खेड्डु पुरस्कार 2024 प्रदान कीते। विश्व शतरंज चैंपियन डी. गुकेश पेरिस ओलंपिक्स च, 2 तगमे जित्तने आहली मनु भाकर, मर्दे दी हॉकी टीम दे कप्तान हरमनप्रीत सिंह ते पेरिस पैरालंपिक्स च सुन्ने दा तगमा जिततने आहले प्रवीण कुमार होंरें गी मेजर ध्यानचंद खेल रत्न पुरस्कार कन्नै सम्मानित कीता गेआ। एह पुरस्कार पिछले 4 बरें च खडारियें दे शानदार प्रदर्शन लेई दित्ता जंदा ऐ। पैरा नशानेबाजी कोच दीपाली देशपांडे, हॉकी दे कोच संदीप सांगवान, बैडमिंटन कोच एस. मुर्लीधरन ते फुटबाल कोच अरमांडो एग्रेलो कोलाको होंरें गी द्रोणाचार्य पुरस्कार कन्नै सम्मानित कीता गेआ। इस मौके पर 32 खडारियें गी अर्जुन पुरस्कार कन्नै सम्मानित कीता गेआ। इंदे च जम्मू-कश्मीर दे रियासी जिले सवां पैरा तीरंदाज राकेश कुमार बी शामिल हे। एहदे अलावा एथलीट सुच्चा सिंह ते पैरा तैराक मुरलीकांत पेटकर होंरेंगी लाइफटाइम अर्जुन पुरस्कार कन्नै सम्मानित कीता गेआ। खेलो इंडिया यूनिवर्सिटी गेम्स च सब्बनें शा बेहतरीन प्रदर्शन लेई चंडीगढ यूनिवर्सिटी गी मोलाना अबुल कलाम आजाद ट्रॉफी प्रदान कीती गेई।



Arjun Award JK

जम्मू कश्मीर लेई एह मान्नै आहली गल्ल ऐ जे रियासी-कटरा दे पैरा तीरंदाज राकेश कुमार होंरेंगी अज्ज नमीं दिल्ली च बड़ी मती प्रतिशठा आहले अर्जुन पुरस्कार कन्नै सम्मानित कीता गेआ ऐ। राश्ट्रपति द्रौपदी मुर्मू होंरें इस प्रतिशित पुरस्कार कन्नै उनेंगी

सम्मानत कीता। एह पुरस्कार राकेश कुमार होरें'गी अंतर्राश्ट्री प्रतियोगिताएं च उंदी उत्कृशठ उपलब्धिएं गी दिक्खदे होई दित्ता गेआ ऐ जेह्दे च पैरिस पैरा ओलंपिक 2024 च उंदी एतिहासक कैहू दे तगमे आली जित्त बी शामिल ऐ। जेह्दे च उनें शीतल देवी हुंदे कन्नै मिक्स टीम कंपाउंड ओपन तीरंदाज इवेंट च सांझेदारी कीती ही। राकेश कुमार होर अर्जुन पुरस्कार हासल करने आले त्रीए पैरा तीरंदाज बनी गे ना। पैहले दऊं जनें च हरविंदर सिंह होरें गी 2021 ते शीतल देवी होरें'गी 2024 च पैरा तीरंदाजी च अर्जुन पुरस्कार मिलेआ हा। गौर करने आहली गल्ल ऐ जे इ'नें त्र'ऊं पुरस्कार विजेताएं च द'ऊं विजेता - शीतल देवी ते राकेश कुमार होर जम्मू कश्मीर दे रौहने आहले ना। तोआई, श्री माता वैष्णो देवी श्राइन बोर्ड नै बी पैरा तीरंदाज राकेश कुमार गी अर्जुन पुरस्कार कन्नै सम्मानित कीते जाने पर मुबारकबाद दित्ती ऐ।



India-Russain Army

रूस दी सेना च सेव देआ करदे कुल 12एं भारतीय नागरिकें दी लड़ाई दौरान मौत होई चुकी दी ऐ ते 16 जनें लापता होई गेदे ना। विदेश मंत्रालय दे प्रवक्ता रंधीर जायसवाल होरें नमीं दिल्ली च एह्दे बारै समाचार माध्यमें गी जानकारी दित्ती। उनें आखेआ जे केरल दे बिनिल बाबू हुंदी मौत मंगें भागें आहली ऐ ते मंत्रालय कन्नै परिवार गी संवेदना जाहिर कीती ऐ। उनें दस्सेआ जे घायल होए दे इक्क भारतीय नागरिक दा मास्को च इलाज चला करदा ऐ।



US-Consulate

विदेश मंत्री डॉ. एस जयशंकर होरें आखेआ ऐ जे बेंगलुरु च नमा अमरीकी राजदूती दफ्तर अमरीका कन्नै सरबंधें गी होर अगै बदाने ते डूंगा करने लेई जरूरी ऐ। अज्ज बेंगलुरु च नमा अमरीकी राजदूती दफ्तर खोले जाने दे मौके पर बोलदे होई मंत्री होरें आखेआ जे दौनें मुल्लखें च .ए.आई, अंतरिक्ष, रक्षा, ड्रोन ते बायोटेक्नॉलॉजी ते होरनें खेत्तरें च साथ-सहयोग करने दी समर्थ ऐ। उनें आखेआ जे अमरीका कन्नै सामरिक सरबंधें च इक भरोसेमंद सप्लाई श्रृंखला कामय होने दी समर्थ ऐ कीजे बेंगलुरु च टेक्नॉलॉजी ते रक्षा खेत्तर दी तगड़ी मौजूदगी ऐ ते HAL जेह संस्थान न जेदे करी बेंगलुरु च राजदूती दफ्तर होने कन्नै पूरे भारत ते बेंगलुरु दौनें गी फायदा होगा।

<><><><><><>

Defence-Minister

रक्षा मंत्री राजनाथ सिंह ते सुरक्षा दे परिवेश च बदा करदी तनोतनी गी दिखदे होई मुल्लखे दी आक्रमण ते रक्षात्मक प्रतिक्रिया गी तगड़ा करने दी जरूरतै पर जोर पाया ऐ। उनें आखेआ जे मुल्लखे दे रक्षा बलें दियां जटिलता समें दे कन्नै बदा करदियां ना। रक्षा मंत्री होर अज्ज नमीं दिल्ली च 2024 बरे गी नौसेना नागरिकें सरबंधी बरे दे तौर पर मनाए जाने लेई लोआए गेदे प्रोग्राम च भाषण देआ करदे हे। उनें इस गल्ला पर जोर दित्ता जे फौज बडे जनादेश ते जटिल संरचना कन्नै अगगे बदा करदी ऐ। उनें जोर देइयै आखेआ जे देशभक्ति, वीरता ते अनुशासन फौजियें गी देश दे खतरें ते चुनौतियें सवां बचा करने च उन्दी जिम्मेदारी गी पूरा करने च मदाद करदे ना। उनें आखेआ जे राष्ट्र दी आर्थिक

खुशहाली समुंद्री सुरक्षा कन्नै जुडी दी ऐ ते एह जरूरी ऐ जे समुंद्री इलाकें दी हिफाजत कीती जा ते समुंद्री रस्तें दा रख-रखाव कीता जा।

<><><><><><>

CCEA

आर्थिक मामलें सरबन्धी मंत्रीमंडल दी कमेटी CCEA नै राश्ट्रीय इस्पात निगम लिमिटेड गी परतियै चलाने लेई 11 ज्हार 440 करोड़ रपे दे पैकेज दी मंजूरी देई दिती ऐं सूचना ते प्रसारण मंत्री अश्विनी वैष्णव होरें नमीं दिल्ली च समाचार माध्यमें गी जानकारी दिती जे कल होई दी मंत्रीमंडल दी बैठक च एहदे बारै मंजूरी दिती गई उनें आखेआ जे आंध्र प्रदेश च स्थित RINL मुल्लै च फौलादू दे खेत्तर च इक्क महत्वै आहली कंपनी ऐ। श्री वैष्णव होरें आखेआ जे इस पैकेज कन्नै RINL कन्नै जुड़े दे सब्बै मुलाजमें ते RINL दी आर्थिक गतिविधि कन्नै जुड़े दे सब्बनें लोकें गी फायदा होगा।

<><><><><><>

Centre- Food

केंद्र सरकार उपभोक्ताएं आस्तै सामर्थ्य सुनिश्चित करने ते स्थिर मूल्य बनाए रक्खने आस्तै जरूरी खाद्य वस्तुएं दी कीमतें ते उपलब्धता पर बरीकी कन्नै नजर रक्खा'रदी ऐ। उपभोक्ता मामले, खाद्य ते सार्वजनिक वितरण मंत्रालय नै आखेआ ऐ जे सरकार नै जरूरी खाद्य वस्तुएं दी उपलब्धता ते सामर्थ्य सुनिश्चित करने लेई घरेलू उत्पादन गी प्रोत्साहित करने ज्नेय कई उपाऽ कीते ना। मंत्रालय नै दस्सेआ ऐ जे पिछले वित्तीय बरे दी तुलना च इस वित्तीय बरे च दालें ते गंडें दा उत्पादन बदने दी मेद ऐ। मंत्रालय नै आखेआ जे अरहद दा उत्पादन 35 लक्ख मीट्रिक टन थमां बढ़ होने दा बी अनुमान ऐ जेड़ा पिछले

बरे 34 लक्ख मीट्रिक टन उत्पादन थमां 2 अशारिया 5 प्रतिशत बद्द ऐ। मूंगी दे उत्पादन पिछले साल दे 11 अशारिया 5-4 लक्ख मीट्रिक टन होने दी बी मेद ऐ। मंत्रालय दा आखना ऐ जे बद्द बुआई दे कारण खरीफ ते गंडें दा उत्पादन खरा होने दी मेद ऐ।



Pune Accident

महाराष्ट्र च अज्ज बड्डुलै पुणे-नासिक हाइवे पर होए दे सड़क हादसे च 9 लोकें दी मौत होई गई। पुणे ग्रामीण पुलिस अधीक्षक पंकज देशमुख होरें दस्सेआ जे एह दुर्घटना उस बेल्लै होई जेल्ले इक मिनीवैन नारायण गांव आहली बक्खी जा रदडी ही ते टेंपो नै उसी पिच्छुआं टक्कर मारी दित्ती जेदे कन्नै मिनी वैन सड़क कनारे खडोती दी इक खाली बस कन्नै जाई बज्जी। मुखमंत्री देवेन्द्र फडणवीस नै इस दुखक दुर्घटना पर शोक व्यक्त कीता ऐ। उनें मृतके दे परोआर आहलें गी 5-5 लक्ख रपे दी सिंधी सहायता देने दी घोषणा कीती ऐ।



Imran-Khan

पाकिस्तान दे साबका प्रधानमंत्री इमरान खान होरें 190 मिलियन पाउंड दे अल कादिर ट्रस्ट मामले च 14एं बरें दी जेल दी सजा सनाई गई ऐ। इमरान खान हुंदी घरा आहली बुशरा बीबी होरें गी सत्तें बरें दी सजा सनाई गई ऐ। न्याधीश नासिर जावेद राणा होरें अदियाला जेल च बनाई गेदी अर्जी अदालत च कड़ी सुरक्षा दे बिच्च एह फैसला सनाया ऐ। इमरान खान पर इक्क मिलियन पाकिस्तानी रपे ते उन्दी घरा आहली पर 5 लक्ख पाकिस्तानी रपे दा जुर्माना बी लाया गेआ ऐ। एह मामला फरवरी 2024 च सामनै आया

हा जेदे च इमरान खान ते उंदी घरा आहली पर Bahria Town Ltd. सवां अरबां रपे ते जिमी लैने दा इल्जाम लाया गेदा ऐ।

<><><><><><>

Rajouri-Mystery Death

राजौरी जिले दे बडहाल गांS च रहस्यमयी बमारी करी इक होर महिला दी मौत होई गेई ऐ। 60एं बरें दी महिला जट्टी बेगम नै जीएमसी राजौरी च दम त्रोड़ेआ ते हून पिछले 45 दिनें दरान इस अनजान बामरी करी मरोने आहलें दी गिनतरी बधियै 16 होई गेई ऐ।

<><><><><><>

CM-Meeting

तोआई, मुख्मंत्री उमर अब्दुल्ला होरें बडहाल गांS च बने दे हालात बारै अज्ज इक उच्चि सतह दी बैठक लाई ते सेहत ते पुलस मैहकमे गी हुक्म रसाल कीता जे ओहू अपनी जांच दे कम्मै च तेजी आहनन। उमर होरें आखेआ ऐ जे जिस चाल्ली कन्नै एहू मौतां होइयां न, ओहू बड़ी चैंता दी गल्ल ऐ ते सरकार इंदे पिच्छे दिएं वजहें दा पता लाने लेई बचनबद्ध ऐ। उनें सरबंधत विभागें गी आखेआ ऐ जे ओहू आपूं चै तालमेल बनाइयै इस मसले गी हल करने दे जत्त करन। बैठक दौरान एहू दस्सेआ गेआ जे सेहत मैहकमे नै पिछले 40एं दिनें दा उत्थे ढेरा लाए दा ऐ ते उत्थे एम्बुलैंसें, दवाइयें ते जरूरी सुविधाएं दी दस्तयाबी यकीनी बनाई जा करदी ऐ। मुख्मंत्री होरें सोगी परोआरें गी भरोसा दोआया ऐ जे प्रशासन इस स्थिति दा सामना पैहल दी विनाह पर करै करदा ऐ।

<><><><><><>

Weather

मौसम विभाग नै औंदी 20 ते 21 जनवरी गी प्रदेश दिएं टांमी टांमी थाहें पर हौली बरखा बरने जां बर्फबारी दे असार दस्से ना। मौसम विभाग मूजब 22 ते 23 जनवरी गी जम्मू संभाग दे पदरें इलाकें च हौली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बी मेद ऐ। तोआई, प्रदेश च पिछले कई दिनें थमां ठंडु दा प्रकोप बरोबर जारी ऐ ते कई इलाकें च घट्टोघट्ट तापमान सिफर कोला हेठ दर्ज कीता गेआ ऐ। जम्मू खित्ते दे किशतवाड़ जिले दा पाडर इलाका सब्बनें शा ठंडा रेया जित्थे तापमान मनफी 8 इशारिया 8 डिग्री सैल्यिस दर्ज कीता गेआ। इयां गै बनिहाल च मनफी 1 इशारिया 2 डिग्री, बटोत च मनु सिफर इशारिया 3 डिग्री, जम्मू शैहरा च 5 इशारिया 3 डिग्री ते रामबन च 4 डिग्री सैल्यिस तापमान दर्ज कीता गेआ। तोआई, कश्मीर दे पैहलगाम च घट्टोघट्ट तापमान मनफी 11 इशारिया 8 डिग्री ते गुलमर्ग च मनफी 7 डिग्री सैल्यिस रिकार्ड कीता गेआ ऐ।

